



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ephemerologivm Ecclesiastio-Rubricisticum Novum

Halden, Johann Baptist

Brixinæ, 1717

Titulus XLIX. De Dominica I. Octobr: & Ferijs eam Subsequentibus.

urn:nbn:de:hbz:466:1-39937

currrens Festum Duplex proprias habens in I. Noct: Lectiones adhuc poni non poterit. Ad Responsoria Ferialia hujus Hebdomadae quod spectat, FERIA II. & V. sumuntur ea ex I. Noct: Dominicae praeced. FERIA III. & VI. ex II. Noct: ejusdem Dominicae. FERIA autem IV. ac Sabbatum (si fiat Officium feriale) Responsorium I. sumitur ex III. Noct: Dominicae praeced: (Nos alium DEUM &c.) quod est septimum illius Dominicae: at verò post 2. & 3. Lectionem dicitur II. & III. Responsorium primi Nocturni ejusdem Dominicae praeced. Reliqua omnia dicuntur ac fiunt, ut infra Hebdomada III. post Pentecostem resumendo *Orationem & Missam* Do-

minicae proximè praecedentis, aliaque observando, ut ibi.

SABBATUM ante Dominicam I. Octobr. Antiphona ad *Magnificat* prosequente Dominicam est: *Adaperiat Dominus &c.* Col. Virid: si cras fiat de ea, & non currat aliqua Octava. Ubi autem ex Sedis Apostolicae Indulto cras celebratur Solennitas Rosarii B. M. V. ibi ea in Martyrologio ad PRIMAM hodie annuntianda est *1. locò. Gav. Tom. 2. Sect. 7. c. 12.* & hodiernae Vesperae dicendae ibi sunt de Festo Rosarii, ut in fine Breviarii Rom: post Festa ad Libit: sub Ritu dupl: major: ac Col. Alb. cum Commemoratione Dominicae cras occurrentis.

TITULUS XLIX.

De Dominica I. Octobr. & Ferijs eam Subsequentibus.

DOMINICA I. OCTOBRI (quando fit de ea) dicitur ad Matut: Hymnus: *Primo die &c.*: ad Laudes verò: *Aeternae rerum &c.*, dicunturque ambo etiam in sequq: Dominicis, usque ad Adventum exclusivè. In I. Nocturno ponitur hodie *Initium Libri I. Machabeorum*, legiturque de eo usque ad Dominicam IV. Octobr: ut in Propr: de Temp. Quod si hodie occurrat Festum Duplex, habens proprias in I. Noctur-

no Lectiones, tunc *Initium* dicti Libri I. Machabeor: ponitur proxima die (seu feriali, seu festivo &c) ejusmodi Festo non impedita. In II. Noct: hodiernae Dominicae dicuntur Lectiones, uti norantur hanc Dominicam in Propr. de Temp. In III. autem Noct: dicuntur de Homilia illius Dominicae post Pentecostem: quae hanc Dominicam Mensis secundum Ordinem Dominicarum post Pentecostem: occurrat, extantque in P. 2. Propr: de Temp.

Responsoria (quæ hæc Dominicâ primò ponuntur) sumuntur ex Dominicâ I. Octobr: ut ibi notantur, dicunturque omnia etiam in seqq: Dominicis usque ad Dominicam I. Nov. Quòd si hodie ob occurrens Festum Duplex primò poni non possint, poni debent prima tria Responsoria hodiernæ Dominicæ prima die, in qua occurrit hoc Mense fieri de Feria, aut de Dominicâ, omisiss alijs Responsorijjs Ferialibus, quæ fortè in illa Feria propria habentur. Antiphonæ ad *Benedictus* & ad *Magnificat* unâ cum Oratione sumuntur ex Dominica currente post Pentec: Cætera dicuntur, ut in Psalterio, ad normam Dominicæ III. post Pentec: & I. Augusti, Ritu semidupl: ut ibi. *Missa* de Dominica currentè post Pentec: uti notatur in Propr. de Temp: in Ordine Dominicarum post Pentec: cum *Glor: Cred: Oratione* 2. ac 3. &c, uti Dominica III. post Pentec: *Col: Vir:* nisi currat Octava.

Ubi autem Dominicâ I. Octobr: quæ occurrit in Calendis Octobris, vel eas proximè sequitur, ex Indulto Sedis Apostolicæ celebratur Festum Rosarij (uti in omnibus Regnâ, & Dominij Hispaniarum Regi subjectis, nec non ex Decreto Gregorij XIII, id celebratur in ijs Ecclesijs, in quibus adest Altare, seu Capella Rosarij B.V.) Officium fit de eò Ritu duplici majore, dicendo omnia ut in Festo B.V. ad Nives cum Lectionibus II. Nocti, de Nativit: B.

M.V. mutato verbo *Natali* in *Solemnitate*, prout notantur in Appendice fine Brev: cum Commemoratio Dominicæ occurrentis in utriusq: Vesperis, Laudibus, ac *Missa*, non 9. de eadem Dominica Lectio in Officio, & ult: illius Evangelij *Missa* (extante in aliquibus *Missa* in Propr: SANCTOR: initio Mensis Octobris ante Festum S. Remigij, alijs verò in Supplemento) cum que *Glor: & Cred: Præf. de B.V. in Solemnitate &c* Col. Alb. Sic hodie vel cras cantentur *Solemnitate* de Festo Rosarij, tunc in ijs Officiatore, ejusque Ministris ad rotationem Hymni: *Ave Maria la &c* observanda sunt ea, quæ in die 23. Jan: & 7. Septembr: annotantur. *Col. Alb.* Quòd si in Dominica I. Mensis Octobris, quæ incidit in Kalendas illius Mensis, vel eas proximè sequitur, occurrat Festum Rosarij II. Classis, tunc Festum Rosarij juxta propr: Rubricam celebrabitur Dominica sequenti: Si verò aliud Festum Duplex, vel Semiduplex incidat dictam Dominicam I. Octobr: quæ in ijs in locis, seu Ecclesijs, in quibus Sede Apostolica concessum est celebrare Festum Rosarij, ejusmodi Festum Duplex vel Semiduplex non est impedimento, quò minus in ea habeatur quæar dictò modò celebrari, translati priore Festo Duplici (majore aut minore) vel Semiduplici occurrente in eadem aliam proximam non impediant.

Ad Missam in Festo Rosarij dicen-
dam quod atinet, Gavantus Tom. 1.
P. 4. Tit. 15. n. 22. cavendum monet,
nè in Ecclesijs, in quibus ex Decreto
Gregor. XIII. celebratur Festum Sa.
Rosarij, dicatur ea Missa, quæ no-
mine Rosarij circumfertur, utpote
concessa tantum Ordini Predicatorum à
Sac. Rit. Congregatione die 25. Junij 1622.
prohibita autem alijs eodem die, & rursus die
8. April. 1623. Ità ille; additque:
Dicendam sub Judiciò MISSAM, ut in
Festo S. Mariæ ad Nives: & ità ob-
servari ait in Æde Sacra Laurentana:
sequiturque Gavanti opinionè Mis-
sæ Romanæ Antuerpiæ impressum
in Append: ubi etiam habetur, quid
observandum circa Missas Votivas
Rosarij: ita etiam v. supranj in lo-
Idem Gavantus Tom. 2. Sect. 7.
c. 12. proponit ac resolvit sequens
Dubium: Contingit aliquando, imò
non rarò, ut Dies Octava Titularis
Ecclesiæ S. Michaëlis, vel Dies Octava
Dedicationis propriæ Ecclesiæ (v. g.
Cathedralis Ecclesiæ Brixinensis, ab
anno 1707. Dominicâ ante Festum
S. Michaëlis celebrari solitæ) aut dies
Octava S. Hieronymi, ubi is est Pa-
tronus loci, vel Ordinis, alteriusve
similis S. Patroni incidat in Domi-
nicam 1. Octobris, quâ à Clero ralis
Ecclesiæ celebrari alioqui debet. Of-
ficium de Festo Rosarij: oritur ergo
Dubium: an de Die ejusmodi Octava;
an verò de Festo Rosarij dicendum sit
Officium cum Missa? Ratio autem du-

bitandi est; quia sicut dies Octava
alicujus Festi per Rubricas transfer-
ri non potest, ita neque Festum Ro-
sarij videtur transferri debere; cum
Gregorius XIII. in sua Bulla edita
1. April. 1573. illud à die 7. Octobris
(quæ illi alioquin in Romano Mar-
tyrologio assignatur) ideo in 1. Do-
minicam ejusdem Mensis ex professo
transstulerit, ut Populus frequentior
inertit Officiò, qui finis Die Feriali,
in quem transferretur Festum Rosarij,
non satis obtineretur: cum ergo tam
Dies Octava, quàm Festum Rosarij, in ta-
li occurrentia videantur habere Jus,
ut celebrentur in Dominica 1. Octo-
bris, & quidem integrò Officiò, sive,
quin alterutrum illorum transfera-
tur, meritò dubitatur, de quonam
sic recitandum Officium: licet enim
Dies ejusmodi Octava sint tantum Du-
plex minus, Festum autem Rosarij sic
Duplex majus, adeoque de hoc videan-
tur faciendum Officium, de illa au-
tem tantum Commemoratio; obsta-
re tamen videntur Leges Breviarj à
quandoquidem in occurru Diei Octa-
væ, & Duplici majoris juxta Rubricæ
Tab. occurrentiæ Officium facien-
dum est de Die Octava, Translatio
autem de Duplici majore; consequen-
ter translato Festo Rosarij, faciendum
erit de Die Octava. Consultus super
hoc Dubio Gavantus respondit: re-
citandum esse Officium in dato casu
de Rosario, cum Commemoratione
Diei Octava, & Dominica 1. Octobris
113
cuna

tum, quia cum neutrum transferri debet, *Festum Rosarij* est Duplex majus, *Octava* verò Duplex minus; tum, quia *Festum Rosarij* est *Festum Deiparæ*, & aliquò modò *Festum de Præcepto Universalis Ecclesiæ* ex Bulla Gregorij Papæ; *Dies Octava* autem est de Præcepto in particulari Ecclesia; tum denique, quia Sac. Rit. Congr: in honorem B. V. decrevit à Clero Rhegij (Urbis Ditionis Estensis) fieri de Festo B. V. in Die Octava S. Prosperi, Patroni Loci, licet potuisset, ac debuisset ex vi Rubricarum transferri *Festum Visitationis*: cum ergo *Rosarij Festum* nec sit omittendum à Clero Ecclesiæ, in qua adest *Altare seu Capella Rosarij* juxta Bullam Gregor. XIII. nec à Dominica dimovendum, erit ipsum dictò modò in ejusmodi Ecclesijs celebrandum, ità ferè discurrere Gavanto loc. prox: cit. Qui ibid: hæc subjungit: *Major est Difficultas, quando in 1. Dominica Octobr. occurrit Festum Patroni loci, seu Titularis Ecclesiæ, in qua simul adest Altare Rosarij: de quo enim tunc fiet Officium? de Festo, an de Rosario? Bononiæ anno 1637. recitatum est Officium de Festo S. Petronij, & in Dominicam 2. Octobris translatum est Officium, vel potius Festum Rosarij: nam Clerus eo die recitavit Officium de Octava, S. Petronij: at Sac. Rit. Congr: die 6. Febr. 1638. decrevit, in hoc casu nihil fieri de Festo Rosarij, neque transferri debere; cum non conveniat il-*

lud à Dominica transferri, ità ferè rursus Gavantus in editione recentiorum sui Operis. Verum hodie cessare videtur difficultas, quam ibi movere Gavantus, siquidem authentica sit Rubrica, quæ in modernis Breviarij Festo Rosarij præfixa legitur: nam ea disertè præcipit, ut, quando in Dominica I. Octobr. occurrit *Festum* 1. vel 2. Classis, tunc *Festum Rosarij*, ubi est specialiter concessum, transferatur in Dominicam sequentem.

Quando *Festum Rosarij* in 2. Vesperis concurrat cum Festo S. Angelorum Custodum, quod in Ecclesia Universalis sub Ritù duplici maiore 2. Octobr. celebratur, *Festum Rosarij* Utrasque Vesperas integrè habebit, utpote quod Gregorius XIII. ubique & perpetuò in ijs Ecclesijs, in quibus adest *Altare, vel Capella Rosarij*, celebrari voluit Officio Dupli-
ma-
jore. Vid. Arnaud. Tr. 2. P. 4. Tit. 3.

In *Missis Votivis Rosarij* (ut monet Rubrica: *Missæ illi subscriptæ*) dicenda est *Missæ de Tempore* occurrente, cum Orationibus *Missæ Rosarij* (ubi ea est permessa) interatò Verbò *Solemnitatem* in Commemorationem, & SOLEMNIA in MEMORIAM: ac in Præfatione dicendo: *Et Te in Veneratione &c.*

FERIA II. & Segq. infra Hebdomadam I. Octobr. dic. in Officio. Lectiones de Scriptura occurrente uti infra Hebdomadam currentem norantur.

nisi in aliqua illarum ponendum sit
Initium Libri I. Machabeor. ed quod in
 Dominica ob occurrens Festum Du-
 plex, proprias in I. Noct: habens Le-
 ctiones, adhuc poni non potuerit.
 Ad Responsoria ferialia quod attinet,
 nisi primò ponenda sint Responso-
 ria tria prima Dominicæ præced-
 nondum posita, FERIÀ II. dicuntur in
 Officio feriali ut ibi notantur, repe-
 tunturque etiam in alijs *Ferijs secun-*
dis usque ad Dominicam I. Novembr:
 FERIÀ III. pariter habentur propria,
 dicunturque etiam in alijs *Ferijs ter-*
tijis usque ad Mensẽm Nov. FERIÀ au-
 tem IV. & SABBATÒ (si in hoc fiat Of-
 ficium feriale) post Lectionem I. di-
 citur Responsorium septimum Do-
 minicæ præced: *Refulsit Sol &c.* post
 II. verò & III. Lectionem dic: Re-
 sponsoium secundum, & tertium
 FERIÀ II. præcedentis. FERIÀ V. su-
 muntur Responsoia ex I. Nocturno
 Dominicæ præced: h. e. primæ Octo-
 bris: FERIÀ autem VI. ex II. Noct:
 ejusdem Dominicæ præced. Atque
 hõc modò dicuntur Responsoia e-
 tiam in Ferijs sequentium Hebdoma-
 darum; Reliqua verò omnia dicun-
 tur, ac sunt uti in Ferijs infra He-
 bdomadam III. post Pentec: resumen-
 do *Orationem*, & *Missam* Dominicæ
 proximè præced: aliæque observan-
 do, ut ibi, nominatim ea, quæ præ-

scribunt Rubricæ Breviar: & Missal.
 de recitando Officio Defunctor: & ce-
 lebranda Missa principali pro iisdem
 prima die Mensis non impedita Feste
 9. Lectionum; nec non de celebran-
 dis 2. Missis Conventualibus in Ec-
 clesijs Cathedralibus, & Collegiat:
 si ea die fuerit Festum Simplex, aut
 Feria propriam habens Missam, vel
 resumenda sit Missa Dominicæ præ-
 cedentis, quæ fuit impedita; ac de-
 nique de dicenda Missa principali
 pro Defunctis (ut ibi) Oratione autè
Fidelium in Missis privatis FERIÀ II.
 cujuscunque Hebdomadæ. *Col. Vir.*

SABBATÒ ante Dominicam II.
 Octobr: Antiph: ad *Magnificat* pro seq:
 Dominica est: *Refulsit Sol. &c.* *Col.*
Virid: si cras fiat de ea, & non cur-
 rat Octava.

Juxta ea, quæ habentur in *Supple-*
mento recentiorum quorundam Mis-
 salium, Dominicà III. Octobris cele-
 brant nonnullæ Ecclesiæ Festum sua-
 rum RELIQUIARUM dicendo Missam
 ibi extantem: an etiam, & quale
 OFFICIUM de illis dicant, hætenus
 reperire non potui: siue autem tan-
 tum *Missam*, siue etiam *Officium* de ijs
 dicant, de licentia ac Indulto Sedis
 Apostolicæ id omne facere debent,
 juxta dicenda inferiùs P. III. Tit. 2. &
 per ipsiusmet Sac: Rit: Congr: De-
 creta.

